

鰲

峰

集

蘇軾集卷之十六

閩中徐勵與余書

七言律詩

甲辰元日

人生七十老如何
憐我今年一半過
閱世猶然更事淺
爲文元不患才多
常開曲徑培花竹
每聽高軒訪薜蘿
懶向清時圖大業
山中歲月任蹉跎

人日立春集林天廸東第觀妓得香字

芳郊人日寒勾芒次第笙歌唱畫堂
七葉新萱開綠萼一盤生菜記青陽
金花勝裏參差影寶炬簾前縹緲香
最喜城東春色蚤落梅偏稱美人妝

永福徐令君寄美茵新荀走筆賦謝

龍孫初茁茵初長珍重筠籠遠寄將
二天乃靈華應避色九秋蘆簾前總
輸香敢言晦朔知莊叟始識簞食出
震方雅稱道人供素食自隨藜藿入
枯腸

唁趙仁甫先生

條風融日正新年讀禮憐君掩戶眠堂北易湖
堂草色空前應廢蓼我篇虛將南郭看花騎閒
却西湖載酒船此日詞壇方冷落主盟休負社
中蓮

彭有貽明府招宴山亭

鰲岑山色翠模餽近映名園半有無風靜竹簾
鶯共語露涼松徑鶴相呼勸宜坐列書千卷陶
令門栽柳五株憐我芳隣今是卜不時尊酒接

楊榆

贈李曉窓先生

解印還家四紀更門戟五柳號先生歲時鄉重
周官飲月旦人推許劭評語易從來探妙理賦
詩原不愛虛名慚余久背趨庭訓問難尤堪藉
老成

春日集林光祿新居觀妓是林少保故第
分得泉字

華堂風暖篆浮烟西第留賓啓玳筵雲重雕甍

開燕厦月中銀甲促鷗弦杏花碎剪春林錦苔
色重鋪古砌檀莫詫山莊巖石勝新居元是舊
平泉

答陳道源參軍

烽烟塞外罷驅馳垂老還家髻有絲三徑雲霞
留客處滿窓圖畫卧遊時幕中久識陳琳檄海
內爭傳鮑照詩憐我疎狂君不厭竹林常許趣
閒期

一送吳非熊還金陵

半載飄零客海涯。登山臨水與君偕。春風檀板
青樓酒夜月。霜鐘古寺齋。此日看花辭越嶠。何
時闌草入秦淮。石頭城下江如練。莫遣雙魚尺
素垂。

送徐永福謫官還吳

一官謫去別姬巖。單父瑤琴匣裏函。茂苑故居
尋栗里。閩溪春水掛蒲帆。體賢素切緇衣好。積
毀難消貝錦譏。明主賜環非遠事。不須揮淚濕
青衫。

贈許元貞都關

轅門霜落夜鳴刁報主千金劍在腰裘賜紫貂
馳蜀隴書傳黃石讀圯橋建牙分閫深防海緩
帶談兵遠度遼共說將軍多揖客漢廷寧數霍
嫖姚

初夏齋居

單枰新裁白苧鮮日長孤坐小窓前盆供帷石
鴻濛色鼎藝名香縹緲烟斑筍出墻排畫戟綠
苔沿砌撒青錢架頭偶闕京房易閒與兒曹解

一篇

夏日邀李庭堅陳元朋張紹和王玉生陳
伯孺馬季聲高景倩集王永啓塔影園
時元朋紹和歸自燕都庭堅將還吳下

得簾字

移尊邀客日初炎坐對薰風半捲簾遊子北歸
歡雨集真人東去動星占檻前野竹青交密池
面浮萍綠暗添四海同心良會少不辭奇險覓
詩籤

王相如不遠千里臨吊子真走筆奉問

管輅無年未盡才憐君千里哭泉臺乘車不負
丹雞約絮酒還驅白馬來漂泊遊蹤誰更問淒
涼時事總堪哀范張交誼高前古歎逝傷心白
髮催

送錢叔達還吳興

此地來遊十載前
蒹葭今復到閩天
故人遇合勝前日
舊社存亡感昔年
久斷葦腥遵佛戒
近拋文字絕清緣
五湖烟水堪垂釣
一葉扁舟老

雲川

寄張叔弼謫居毘陵

未結滇南刺史符，忽然遷謫到勾吳。
張公古洞尋仙子，陸羽清泉試酪奴。
車上謗成新蕙，筍中貧似舊萊蕪。
青衫莫洒西風淚，手板支頤看太湖。

送艾稼史之京

數載曾將案牘親，拜官今去謁楓宸。
雁鳴淮浦孤船月，馬踏長安九市塵。
壯老玄言應辟晉，申

韓文法總師泰莫言黃綬功名薄多少獨冠更
誤身

黃道晦晚得子賦此戲贈

欲週花甲髯毵毵主器方宜震長男老蚌生珠
元錯落神駒出水更駉驪璋從寢室牀前弄環
在隣家樹裏探此日尚期卿對語他年偏愛阿
戎談

小園對菊

白露初凝灝氣涼籬花爛熳送秋香寧并獨秀

凌霜霰。願逐群芳。闔艷陽。新出鷺兒。還讓色。將
飛鵲羽。並有輪黃。小園敢比陶徵士。三徑從來未
就荒。

閏重陽日。林天廸邀同阮司理李卿明王
玉生馬季聲黃伯寵王粹夫集玉蟠庄
得陽字

人生幾值兩重陽。不盡秋光在水鄉。移席仍尋
黃菊徑。登山猶佩紫萸囊。重携彭澤林中酒。再
過藍田野外庄。況有西風吹帽落。尊前寧笑孟

嘉狂

酬林德芬刺史兼寄戴亨融參知

勇退元能避急流掛冠應自賦宜休詩如謝朓
雄東海官比陽城刺道州結社丹霞新有約
真玄岳昔曾遊因君更切思安道欲忘山陰雪
夜舟

送玉峰上人歸新安省母

一從祝髮別家園慈母何心再倚門傳法久乘
東土羣忘忘憂還憶北堂萱杖頭剪又青山遠臺

上金銀白岳尊身著衲衣今欲敝歸來縫線有
新痕

學佛應須竭愛河思親原不礙情多少年行脚
今衰老往事傷心只剎那雲際舊房閑竹柏雨
前新茗試松蘿到家始悟離家是苦海增除十
丈波

謁大中丞阮公新祠

鯨海當年靖島夷千秋香火儼芳祠戰同郭公
單騎騎計似陳平六出奇月冷烏山聞鐵鼓雲

深雉堞見牙旗閭南父老瞻遺像淚洒羊公峴
有碑

百戰艱危逐犬羊功高保障在南荒募兵不用
勾丁壯報德應宜薦甲香門客感恩思栢府遺
民揮淚祀桐鄉行人再拜經祠廟勿剪青青召
伯棠

桓桓開府鎮閩中翼翼新宮享祀崇標柱未曾
酬馬援流言寧免中周公樓船遠掃妖氛淨節
鉞親臨海色空一自東南經血戰至今猶說貳

師功

世宗中歲苦防倭紫海提兵日枕戈文武萬邦
推吉甫轉輸千古重蕭何三軍尚記黃龍陣柳
將猶傳朱鷺歌不用勒銘燕石上隣霄臺石更
嵯峨

無諸城覽古

百雉都城越海濱冶池雄劍動星文白龍夜蟄
臺前水玉雁秋鳴郭外墳寶位昔傳登宋主霸
圖曾說滅秦軍不堪細問南唐事戰坂遊隣哭

陣雲

登鳳池山

萬山斜日照松楸，千古英雄土一丘。
池水半涇無浴鳳，墓田初墾有耕牛。
黃昏野魅吹磷火，白晝妖狐戴帽幃。
樵父鬪薪經廢塚，草間猶拾玉甕盃。

七夕湖上社集

新秋湖面暑初消，城畔樓臺水畔橋。
渚隔黃姑星渡漢，權司白帝丰回杓。
菱花冉冉縈朱檻，荷

葉田田隱畫繞天上人間幾今夕莫辭同賞可
憐宵

送叢上人禮補陀

迦山南去禮慈風上有金銀五色宮一葉寒蘆
高浪裏半枝新柳普門中晴看海色閣浮濶夜
聽潮音法界空到日自然登彼岸禪心無碍證
圓通

寄贈陳參藩分省沔陽

嶺表掄材擅國工分猷新駐楚雲中荆襄地云

山形斷漢沔西來水色空
郢里過時吟白雪蘭臺
臺處起雄風懸知帝念
儒臣遠經觀微修白
虎通

長至後豫章喻宣仲皖城李卿明漳浦林
德芬及同社諸子枉集風雅堂觀妓得

六魚韻

窮巷何來長者車
鼇峰飛翠入庭除
千秋雅道
尋盟日四海交情識面初
碧碗注漿凝瑪瑙紅
妝垂佩雜瓊瑤
莫愁長至餘寒盛
自有春溫在

綺疏

送陳伯孺之婺州

禾稼無秋賴研田雖云少別亦經年玉山雪霽
驅車滑澱水冰寒觸櫂堅竊燕昵喃憐久客石
羊躑躅挾飛仙休文故蹟如堪訪好續東陽八
咏篇

哭鄧汝高

長星一夜落薇垣馬策携來哭寢門楚甸參藩
初建節淮山于役乍歸轍功名未覺盧生夢涕

淚難招屈子魂生死交情元不淺含哀何計扣
天閭

立職詞壇二十年鍾期山水本相憐愛才獨秉
千秋鑑同調誰操五字權靈爽定當尋故友吟
魂應合榜高賢莫嗟一代風流盡留得文章後
死傳

哭林子真

芳蘭一夕殞秋霜到處憐才痛斷腸黯黯凝塵
埋舊席熒熒殘火照虛堂何人閣上收玄草無

子墳前種白楊零落人琴俱不見獨揮雙淚哭
靈牀

送康季鷹之潮陽訪周廷尉

朔風蕭瑟臘殘時征馬行衝瘴霧遲布機結來
廷尉客爲衣披去彥升兒燃犀火照滄溟惟祭
鯢文看野廟碑地近羅浮梅萬樹逢人先寄隴
頭枝

甲辰除夕

自笑虛名亦謬悠浮生又見一年週臘殘剩把

桃符換地震空懷杞國憂老大雄心元未耗
顛狂吟癖卒難休筆耕終歲雖勤動不及污邪數畝秋

乙巳元日

年多羞展曆書看客到門前慶履端穉子亂搗
三疊鼓家人初進五辛盤嶮崎世路同羈角微
賤身名類鼠肝徐庶食貧還有母北堂承得白
頭歡

寄贈喻邦相先生

官辭秋憲早投閒天外冥鴻杳莫攀三經賦歸
尋栗里九人開社老香山心因憂國還能赤髯
爲舵詩却易斑翹首龍門難可到扁舟思訪落
星灣

七子凋零雅道孤中原赤幟讓先驅賦才麗則
追司馬史筆森嚴埒董狐常泛蠡湖邀客舫久
拋瀛海治兵符後生愧未經平子且喜論交得
鳳雛

花朝洪汝舍招同喻宣仲集半嶺園看花

席上贈奇姬

良辰寧放酒杯寬
同醉名園百寶闌
花面有情渾欲笑
柳枝無力不禁寒
高燒鳳蠟移燈看
斜抱鵲絃促柱彈
別有玉容能解語
莫愁風雨易凋殘

哭楊觀察公

何處含哀叩九關
傷心那忍賦招魂
謝安忽作靈雞夢
范武空懷白馬奔
一夜寒霜凋柏府
半樓明月冷樛園
長途磨得南州鏡
有淚難辭國

士恩

生芻一束影堂寒天上人間路渺漫經卷塵生
玄草絕筆牀雲掩墨池乾遺文一代藏金匱靈
骨千秋闕玉棺多少中郎琴畔客幾人墳樹掛
吳干

哭張幼干先生

莫是神仙劍解形何因靈血化青青魂隨落月
蓬山路客散西風曲水亭一片空留堂下石千
秋先撰塚中銘吹簫我欲過吳市隣笛淒涼未

可聽

當年下榻獨延徐借得名園兩月居
拚淚忍看身後稿傷心愁檢寄來書
琴亡子散孤絃絕墓近要離數尺餘
千里未能親執紼范張生死誼何如

送喻宣仲還豫章

憐君久客在閩南土俗方言事事諳
半載交懽真莫逆一時離別豈能堪
到來不識鄉愁苦歸去寧忘海味甘
家近滕王高閣下片帆雲影渡

寒潭

送陳魯彥襲蔭入太學

年少承恩入帝鄉，王家子弟業青箱。
讀書遠映新藜火，作賦初成古柏梁。
臺上黃金騎馬骨，匣中紫氣吼魚腸。
期君共醉荆高市，睥睨行歌酒肆傍。

送程伯昭歸新安

論交握手但匆匆，何事飄然馬首東。
榆莢數錢無子母，蒯緱裝劍有雌雄。
長途翠嶺雲千疊，故

國黃山樹幾叢莫道閩中空作客飽餐六月荔
枝紅

送林元達之京

天路翱翔借羽翰爲徇微祿上長安阮瞻就辟
推三語鮑照參軍寄一官吊古燕臺斜日暮旋
歌易水北風寒少年同學君先達慙愧山林老
鵬冠

吳興潘致虛羽士過訪話舊次來韻

雲遊千里歷烟霜身上霞衣佩冰簷十載舊歡

成夢幻一宵新話轉淒涼藥爐養火光逾赤竹
擇裁冠色更黃別後頗超玄著語篋中真語比
華陽

新秋阮堅之司理招宴西湖送唐美承應
召之留都

湖心開宴擬南皮剩水殘山送客時勸盡碧觴
荷有柄折來青黛柳無絲過家問寢聽雞早待
漏趨朝佩馬遲六代遺墟堪吏隱鍾陵花月稱
裁詩

送潘致虛歸吳興

千里雲遊入晉安。西風歸去一黃冠。
鷹揚寶劍腰間掛。龍虎經文肘後看。
梨嶺秋烟攀石磴。荊川明月禮瑤壇。
期君共買烏程酒。湖上扁舟泛碧瀾。

寄張穉通

七載分携夢寐賒。弁山深隱老烟霞。
風雷夜吼豐城劍。天漢秋乘博望槎。
慈竹檻前當滴翠。新苔溪上幾開花。
憶君不盡幽居樂。箬下香醪顧

渚茶

山陰姚摩孟見訪卽有石竺海壇之遊賦

贈

一帆遙自會稽來應識東南竹箭才
輒枉新詩刊翠篠每勞遊屐破蒼苔
山尋石竺秋聲起海望扶桑霽色開
雲水鷗盟還可結思鄉慢憶越王臺

劍浦逢吳子修自武夷歸喜賦

竹筴芒屨獨尋真衣帶烟霞不染塵
正值孤舟

廻曲水誰知雙劍合延津魯孫彩幔何年散玉
女雲鬟幾度新我別山靈今已久夢魂猶戀碧
嶙峋

中秋夜阮堅之司理餞余郡齋賦詩見送
次韻奉酬

使君交誼切緇衣念我長征贈屨扉自倒玉尊
延永漏盡捐銀燭坐清輝殷勤問路他鄉遠迢
遞看此故園非八口饑寒堪寄托定知不似楚
遊歸

新都訪方伯文明府

幾年分枕隔江關。濁水清塵不可攀。四百溪灘
公案外。幾千雲岫訟庭間。棠陰蔽芾民歌起。花
影參差吏牘閒。口腹敢爲安邑累。借君雙屐看
黃山。

過畢仲明封君飛山別業

新結名園似辟疆。蓁欄松徑轉蒼塵。蹤隔斷
非人境。山色飛來近女牆。望北孔融推北海。官
同梅福謝南昌。持螯浮白君家事。長日笙歌客

清室

題萬山觀

仙臺縹緲啓玄關樓觀嵒峨俯萬山
羽客朝元青嶂裏真君圖像翠微間
霜鐘杳杳鯨音動烟樹重重雉堞環
呼吸可能通帝座天都元自隔人寰

溪南訪鄭翰卿話舊

尋君迢遞歇羸驂小閣弘開對夕嵐
寄寓俗塵甘廬下卜居名勝愛溪南
廿年舊事秋風淚一

片新愁夜雨談相顧頭顱俱漸老燈前悲喜總
難堪

訪謝少連見贈奉漢書

海岳聞名廿載餘今知名下定無虛魚腸有客
彈吳劍牛角何人識漢書一帶黃山來往屐千
秋玄草寂寥居看君文字從來熟不道相逢會
面初

同謝少連吳雲將丁南羽丁承吉吳左于

鄭翰卿夜集吳川卿上村草堂

湖海神交已十年相逢尊酒草堂前石函劍露
豐賊氣竹簡書開汲冢篇半畝鏡華親水鳥一
樓燈影禮金仙論詩剪盡西窓燭猶折芙蓉伴
醉眠

與翰卿對酌因談西湖舊事

燈前對酒說幽期心事惟應粉黛知碧玉不成
遊如怨玲瓏能倡寄君詩荷花比面牽愁恨桃
葉傳情費夢思綠樹成陰郎自見十年珍重記
芳時

過吳敬甫書樓

千秋元有若書才
白首何妨困草萊
鳥跡已聞山鬼哭
鵝群還許道人來
推窓任放青峯入
散帙全依碧樹開
相對總如遊武庫
淹留終日未能回

群仙渡海圖

蓬萊頂上宴初歸
仙足浮空酒力微
龍母駭聞蒼水佩
黿精驚避紫霞衣
偷將桃核和雲種
帶得榆花逐浪飛
一息長風三萬里
人民城郭幾

回非

謁汪王祠墓

霸業淪沈問廢興空存遺廟枕荒陵游鱗夜語
啼金鏃野老春耕拾劍稜千歲白狐眠獸瓦一
群蒼蟻蝕魚燈淒涼古蹟堪惆悵翁仲無言兩
淚冰

畢仲明封君招同何行吉叔度詹伯禹柯
謨伯集長慶寺共得西字

群山高處覓招提玉榜金書異代題古塔烟深

鈴語澁曲林風急葉聲齊寒光薄暮來從北爽
氣逢秋到自西却愛空門無酒禁肯容蓮社醉
如泥

石壁山樓對雨柬柯謨伯

荒郊長日雨聲寒洗盡楓林萬葉丹隣婦緝繡
秋杼急旅人挾纊夜燈殘雲封白岳三千嶂水
漲清溪五百灘遙憶同心蕭寺裏愁霖有賦待
君看

寄黃山隱者次翰卿韻

幽居屏絕世人蹤
門掩黃山五粒松
身倚柳花
香薷手磨星
鉢響天容呼猿渴
飲潺湲水放
鶴高飛縹緲峯
夜靜風窓看古易
石燈寒影聽
秋鐘

題何叔度桃花莊

繞屋桃花雨氣蒸
小溪清淺鏡波澄
村邊錦障
盈千樹渡口紅塵隔
幾層殘片舞風驚
蝶夢落
英隨水亂漁罾
于今世路非秦代
莫把苕川當
武陵

新安城外送蘇子介

逆旅那堪送客還，薄遊同識世途艱。
柳枝旣短難牽恨，竹葉空多莫破顏。
鵲首烟波衝越水，馬頭風雪度閩關。
黯然漫道魂銷盡，猶得隨君到故山。

贈王貞白大將軍

鵲印登壇昔建牙，窮邊萬里靜胡沙。
朔懸夜月聞弓影，匣閉秋霜冷劍花。
裨將身師孫武子，降王膽落李輕車。
卽今西北烽烟急，謾種東陵五

色爪

塞外防秋靖虜庭故山歸隱髯猶青玉引使久
民攀轍銅柱功高帝勒銘羽扇談兵陳鶴宴陰
符教予演遺經雅歌日進葡萄酒醉後何妨過
灑亭

贈高行之參將

重閫曾專十四州戈船百萬將東甌高秋畧陣
雲隨馬清夜裁詩月滿樓帳下陸離鳴短劍軍
前談笑着輕裘虎頭自有平西相定遠何妨晚

拜候

送凌元孚司馬擢粵西太平郡守

廉范歌聲滿歙溪雙旌遙向桂林西
虎符雄握諸蠻化熊軾高憑五馬嘶
兵邏峒首防夜警刀耕山壠勸春犁
黃堂吏散刑書簡月照杭柳翠羽啼

節鉞西行象郡賒寨帷閒看刺桐花
匏笙吹月春驅騎銅鼓闕雲早放衙
地過鬱林裝帷石洞經勾漏覓丹砂
朱輪奕世承恩寵不忝當年萬

石家

同畢仲明何叔度高行之詹伯禹柯謨伯
集王貞白總戎虛左堂共用堂字

清宵良會締延張銀燭光搖綠野堂
桑葉碧傾花底月橘林紅綴樹頭霜
一時詞客談驚座兩隊歌童韻遶梁
不是夷門虛左席侯生卽得久他鄉

訪吳百昌秘書畸莊

丰神皎皎似瑤瑤年少承恩直禁廬
秘苑黃麻

供染翰名出玉簡足藏書延陵世遠風猶在碣
石談高氣有餘百轉豐溪雲水勝畸庄寧讓浣
花居

過詹伯禹書齋

市隱何妨寄一廛千秋誰識子雲玄馴飛鳥雀
閒塔靜狼籍蟲魚坐榻穿處世自難操瑟技資
生惟有賣文錢閉門長日愁吟苦莫遣清霜上
鬢邊

送覺潤真華二上人參雲樓蓮老

遠別南山故院松欲將直諦問禪空示路爲瓢挂入
雲邊寺毳衲行經雪重峰三竺妙香雙擁錫半
湖空水共聞鐘誰能作偈明心性法祖親臨磬
下春

夜溪嶺題主人壁

漠漠秋雲磴道斜
滿林紅葉散餘霞
斷橋白板歸耕路
小屋青旗賣酒家
曉起村農收黍米
日中田婦晒綿花
客身已在千山外
况復愁人有暮鴉

卷之四
余開先鵬先昆季招遊禹王臺同詹伯禹

柯謨伯劉亭伯汪明仲諸君共用流字

紫陽山色掛城頭石磴盤空古木秋香火千年
神禹廟帆檣百尺佔人丹峯連雁塔參雲起水
到漁梁作雪流獨客他鄉留滯久憑高那忍賦
登樓

至夜微雪同余開先鵬先柯謨伯劉亭伯
集程弘甫雲松室共用寒字

他鄉長至夜漫漫促坐圍爐興自寬一管吹灰

陽始動六花飛雪歲將闌堂前照影銀缸燭城
上催更畫角殘相對莫辭頻進酒炎方有客不
禁寒

送余開先將軍之池陽徵課屯田

腰間長劍挂青虹馬首衝寒向北風屯策便宜
充國計軍儲飛輓鄴侯功曉峯雲散芙蓉翠秋
浦霜深木葉紅先送君行吾亦別相思他日托
南鴻

訪江宇望民部

夕辭畫省即烟霞屋傍桃源一徑斜
尊酒良宵開北海爐香清畫注南華
借交自是傾肝膽論事何曾惜齒牙
垂老江郎才未盡夢中猶見筆生花

登齊雲山六首

中和山色入雲青鐘鼓雙峯夾玉屏
呼吸果能通帝座清幽元自秘仙靈
千年藥氣留丹竈一炷爐烟上紫冥
崇祀累朝膺重典龜趺高勒御碑銘

直隄高嶺翠層層曲折丹梯不易登野鹿嚙雲
眠異草老猿啼月掛垂藤山嵐匝樹蒸成霧瀑
布懸空凍作冰夜靜一聲霜磬響百枝紅炬簇
風燈

金碧輝煌白岳尊五千雲岫列兒孫洞開石室
全如益天關巖扉巧若門太極樓西秋禮斗玉
虛閣上早朝元榴梅一樹含香雪月下花神入
夢魂

桃源深處接烟霞借宿玄都道士家茅竹萬竿

爭滴翠木楠千尺亂飛花曉翻寶錄修真訣夜
覓瑤壇伏火砂遙望前峯飄雪色雲中五老髯
俱華

絳闕巍巍切紫霄日薰霜色未全消山當險處
攀無磴路到窮時度有橋巧鑿鬼工諸相現齊
鳴仙樂萬靈朝烟巒雲壑行俱徧轉入深林忽
遇樵

踏盡群峯百疊蒼不因微福進名香簾垂絕壁
晴飛雨玉綴寒柯露結霜鐵笛西風吹古院石

鐘殘月響空廊碧壇夜午無塵夢醉卧仙人白
玉牀

出新安留別諸君子

遊子東歸臘盡時匣中留得劍雄雌
依人玉絮從漂泊送客江淹賦別離
驛路雪深驅馬滑溪流風緊掛帆危
新都回首千山隔剪燭論心未
有期

留別余鵬先舍人

何事留連馬去遲情深那忍別相知
幾年雨雪

他山夢長路風塵逆旅悲季布季心俱任俠王
維王綰總能詩詩論交海內如君少魂斷河橋有
淚垂

臘夜集余開先鵬先宜宜堂時予與柯謨
伯買舟下錢塘而鄭翰卿將附二余轉
餉入京游元封翁吾鼎將歸閩中兼呈
高公謬詹伯禹共得一先韻

他山對酒正殘年同是漂零共黯然鐵騎亂嘶
燕市雪布帆雙掛虎林烟思家夢逐還鄉棹惜

別魂消送客筵萬里江湖分去住相思回首各
雲天

七過釣臺同謨伯賦

七里灘頭屢問津停橈同拜漢遺民星辰太史
占中夜烟水狂奴避富春礪石高於炎帝座鼎
鐘輕似釣翁綸雲臺多少功臣像誰向西風薦
藻蘋

謁金大中丞

節鎮閩南憲府開布衣常許拜霜臺一從秋色

思萼菜不見春陽到草萊客望平津懷刺入

帝容神武樹冠回自慚十載承恩遇落魄全無
補報才

清時累疏乞歸田陸地蕭蕭鶴髮仙聽步久辭
烏府外苑寒新築虎林邊六橋柳色尋詩路十
里荷香載酒船四海蒼生思謝傳東山高卧恐
難堅

輓江大中丞

皮林安緝播州平文武能兼吉甫名卿月暫時

歸故里使星中夜殞前營蜀山怨鳥爭啼血楚
峽哀猿亂哭聲百戰艱危忠報國岳王墳畔築
佳城

憶昔分符守福唐四知清操凜冰霜生花夢絕
工郎筆種樹陰符召伯棠過客看碑齊墜淚遺
民崇祀日焚香懷恩有客來千里絮酒生翬哭
影堂

乙巳除夕客武林與柯謨伯曹能始守歲
忽報椒盤又頽花風塵淪落怨天淚淫生老太

增年齒逆旅漂零度歲華感舊劇談今夕永思
親歸夢故園餘一廢邸舍懽相聚獨客無家似
有家

丙午元日客武林東能始茂之謨伯

不耐無情歲月遷旅遊還憶十年前萬家簫鼓
吳山外千里鄉關越海邊天竺鐘聲催曉日雷
峰塔影挂晴烟幸逢故國交知在一片羈魂未
黯然

普陀寺訪志若上人因出哀輓先兄詩感

而賦答

昔於靈隱一尋師行脚他山識面
遲客到每傳懷素帖僧來多誦惠
休詩烟霞新侶還堪結石火浮生
信可悲談問舊房松偃處十年曾
長幾禪枝

贈章元禮吏部

翩翩風裁重朝端謫宦從知世路
難吏部共傳新啓事文人爭拜老
詞壇西吳高隱清若碧南粵孤征
瘴草寒不久漢廷前席問笑看春
色拂

塵冠

題五湖漁隱贈周叔隱

釣翁高隱占漁磯
浮玉山空碧浪微
千頃水雲青翰舫
半天風雨綠蓑衣
春深茗葉參差長
秋盡蘋花歷亂飛
醉後倚蓬吹鐵笛
一群沙鳥自忘機

梁鴻墓

日暮金昌野鳥悲
白楊蕭瑟半無枝
妖狐拜月拋殘瓦
牧豎登犁田掘斷碑
淺土一坏偕詰媛
遊

魂千古傍要離數聲山鬼啼荒隧猶似關河賦
五噫

過沈從先所居

建水分携五載遙尋君遠過梵門橋名山託興
雲雙屐陋巷安貧水一瓢賣藥薄收寒士債看
花深避貴人招最憐沈約郊居好莫向春風嘆
寂寥

留都訪謝在杭刑部見其幼子喜贈

建業山園法署高秋官新領白雲曹主盟已執

都在麗日揮毫袍鄉骨肉尤相戀未忍懷歸賦
大刀

訪洪子厓水部

雙鳬一別晉安城黔首空懷卧轍情鳩署名香
雞子冷燕磯芳草馬蹄輕十千綠酒開雲液百
萬青錢計水衡在麗南朝遺跡在留題到處有
和聲

金陵春望

新柳藏烏翠，靄靄春風初解。御河水石城玉氣，
盤吳甸鍾阜祥雲護孝陵。桃葉渡邊紅袖女，梅
檀香裏白頭僧。六朝芳草增遺恨，馬上行入閭
廢興。

都門爲客惜年華，絃管聲中粉黛家。春水漸浮
遊舫，渡曉風輕動酒帘斜。流鶯學語遷新柳，正
鶯鶯嘶踏落花。滿地靡靡無隨意，綠玉孫瓚夢尚
天涯。

金陵故宮

玉闕輝煌舊帝家禁垣深閉夕陽斜
聲沈魚鈴閒金鎖影絕龍輿寂翠華
細雨漸生三殿草輕風徐散六宮花
上林多少棲鸞鳥樹葉落空啼日
暮鴉

弓劍沉埋二百秋離離禾黍殿東頭
金川夜警飛烽火玉座晨朝罷冕旒
曉箭尚催殘漏水餘脂猶膩舊妝樓
無情太液春波色流盡愁聲出御溝

初至金陵汪仲嘉梅子馬胡長白胡可復

曾波臣呂心魯周喬卿父質甫謝在杭
郭聖僕聖胎洪仲章林子丘招集雨花
臺分得十蒸

一片風帆到秣陵
高臺尊酒喜同登
潭深花雨空香墜
坐久松雲翠色凝
十里暮山遊冶客
六朝春草獨行僧
歌聲未斷斜陽暝
隔寺遙看寶塔燈

無題調郭聖僕

玉郎按曲艷聲吞
不掃蛾眉別有因
暮雨梨花

秀思之序
空結恨春風檀板暗消魂酒登醉頰生紅暈汗
拭朱衣落粉痕此處留君情自畚麗人休問莫
愁村

金陵懷古

虎踞龍蟠古帝都行人指點舊東吳魏兵隔水
鳴銍鏑玉濬橫江進舳艫氣不隨鐘阜起潮
聲空打石城孤苔花半蝕殘碑字年代依稀辨
赤烏

右吳

晉代風烟繞故墟大江中斷界皇輿新亭滄淚

山河異京洛傷心寢廟虛春苑漸成禾黍地華
林空沒水雲居風流玉謝今何處燕子悲鳴覓

舊廬

右晉

先朝馳道鎖塵埃江雨江風長綠苔宋社鼎鐘
埋淺土蔣陵羅綺葬寒灰山連玄圃形空在潮
到青溪響不迴寂寞古塘誰飲馬日斜愁上鳳

凰臺

右宋

三千歌舞鬪嬌嬈猶說東昏破國年陽武堂空
楊柳月第斜樓鎖荻蘆烟上林寂寂啼春鳥輦

路淒淒噪莫蟬雨後老農耕廢阪草間拾得舊

金蓮

右齊

白下城空蔓草荒故都佳麗憶蕭梁讀書臺碎
青宮瓦說法堂留碧殿香龜伏古苔啣石闕鳥
棲殘樹咽宮牆颯吹後院餘花落猶似徐妃半

面妝

右梁

嬌歌聲絕後庭花玉樹蕭條挂落霞綺閣香消
春歲蝶景陽鐘斷暮啼鴉胭脂有色填空并珠
翠無光散內家滿日興亡多少限隔江依舊月

龍沙 右陳

集雨花臺送梅子馬水滋陽

雨花臺畔乍相逢
碧草春風別恨濃
客路獨投孤店月
旅魂猶戀六朝鐘
靈光魯殿尋洙水
封禪秦碑譯岱宗
長日哦松堪吏隱
五株元是大夫封

孝陵

鐘山王氣鬱葱葱
松柏哀號十里風
華表鶴歸尋舊柱
鼎湖龍去泣遺弓
千重翠嶺環陵廟
一

片紅雲衛寢宮園令祠官明月夜每聞仙蹕上
遙空

迴文閨思

淒淒冷淚別魂消寂寂空庭一望遙西閣暖風
愁對鏡北樓高月澹吹簫泥街早燕春聲巧柳
織新鶯曉舌嬌輦鼓亂鳴雞塞遠嘶風戰馬度
長橋

訪郭聖僕

逆旅移家暫寄蹤折巾能効郭林宗清齋佞佛

諸緣謝戶眼看人萬事慵恨結烟霞盟太晚
尋雲水意偏濃金陵四百南朝寺一寺同聽一
夜鐘

葛震父見訪驚峯寺

姓名十載兩相聞蕭寺無期忽遇君
舊事關情添慘淡新知行樂倍殷勤
遊蹤經歲秦淮月歸夢中宵震澤雲
惜取白門楊柳色同看飛絮雪紛紛

清涼寺謁一拂鄭先生祠

先朝祠宇枕嶙峋此日重瞻廟貌新
擊拆監門稱小吏畫圖伏闕上流民
萬言抗疏寧辭死一拂還家豈厭貧
只爲青苗三日雨却羞蘋藻幾千春

再次葉少宰韻

新祠遙奠舊都城曲按神絃賦送迎
碑卧綠苔留故址事傳青簡紀芳名
披鱗不避輸忠悃飛馬方能達下情
惆悵汴京宮闕盡離離秋草野烟平

清涼山色傍高臺
昔日書堂安在哉
疏諫青苗新法罷
風吹黃葉古祠開
千秋靈魄應消滅
一片忠魂自去來
翹首維桑恭敬止
欲瞻響像重徘徊

洪子厓水部招同唐美承待御汪仲嘉郭
聖胎集城北竹園寓目鐘山

公暇携尊萬竹林
名園草坐共幽尋
湖光繞郭澄清碧
山色當樓露紫金
斜日菜畦雙戲蝶
東風花塢亂鳴禽
一從柯遜登臨後
此日重聞水

部吟

清明前一日同汪仲嘉梅子馬謝在杭洪
仲韋及質甫吳允兆魯波臣胡可復呂
心魯林子丘顧孝敷集木末亭喜臧晉
叔至同用八庚

東風吹面送寒輕榆柳青烟滿帝城木末亭臺
嘉客至水邊羅綺麗人行馬衝斷藹留殘影鳥
入深林變巧聲回首南朝諸舊勝年年春雨綠

清明日葛震父招遊安隱寺慈雲上人房
同張後之張林宗陳幼謙顏任夫周喬
卿郭聖僕聖胎聖真分賦

佳辰選地得招提出郭還將野柰期
一榻茶烟春晝靜半爐香藹午風遲
當堦草色元堪藉繞樹楊花不耐吹
長日清齋閒坐穩淹留直到暮鐘時

美人早起

雕闌閒倚對芳晨碧柳和烟色未勻
推枕乍離

行雨夢捲簾待喚賣花人夜缸銀燭光初滅曉
閣香臺鏡未陳日影漸移綃帳暖下堦微動樓
羅塵

美人夜行

九陌人稀碧漢斜茜裙六幅颺輕霞綠衣色奪
春眠柳綉帶香分夜合花星影亂搖釵上玉月
光孤照臂間紗漏深不辨來時路綺閣銀燈是
妾家

美人晝眠

刺繡金針懶獨拈
枕痕紅印黛眉尖
秋波不向花間轉
暮雨空從夢裏霑
鴛鴦帳薄籠雲鬢
亂象牀斜挂玉鈎纖
流鶯巧喚春魂醒
一抹殘陽在綉簾

美人春病

蘭閨長日惜春殘
病裏懷春步履難
玉體倦來腰佩重
香肌瘦去臂紗寬
鏡中新月消濃黛
帳底東風怯薄寒
強鞦帶兒花下坐
斷魂無力倚雕闌

曹能始轉官戶部郎重至金陵有贈

十載爲官但飲冰
冷曹依舊轉金陵
支來薄俸都供客
留得餘錢半施僧
忠損閒心應廢奕
爲貪勤讀每篝燈
我來却喜君隨至
多少名山約共登

送戚不磷之內黃

吳市逢君獻歲新
秣陵携手又殘春
澄潭乍飲烏龍水
曉渡遙過白馬津
北地驚沙愁遠道
南朝芳草送征輪
荒陵廢塚遺書在
到日先詢汲

郡民

送于文若納言擢太僕少卿

新拜名卿掌驪驪和鸞從此聽
鏘鏘蒲梢夜嚼金銜月首宿秋肥
玉塞霜手輕入龍隨穆滿身
將千騎款夷王漢家鼓吹饒歌曲
樂府爭傳君馬黃

登雞鳴寺憑虛閣

秣陵直北古招提高閣憑虛轉石梯
寶座雲歸幡影濕浮屠風定鐸聲齊
白門山迥連雲矗玄

武湖深照寺低遙想南朝天子樂宸遊曾此聽
鳴雞

同郭聖僕曹汝載林茂之過瓦棺寺訪真
全上人

前朝名剎舊香臺零落殘碑沒古苔翠竹遙連
金界密青蓮曾同瓦棺開但聞梁帝乘龍去不
見支公畜馬來聊借雲房留半榻夕陽天外暮
鐘催

訪胡可復淮上居

秦淮春水碧連漪。愛爾幽居傍水湄。一曲關
花外。倚雨三遊舫。柳邊移。壽翻茶鼎詩成後。風
裊爐香夢覺時。天際鐘陵無限翠。每憑山色畫
娥眉。

余鵬先兄訪鷲峰寺匆匆別去走筆奉答
分手漁梁值杪冬。春殘逆旅忽相逢。一時離合
成龍劍。半日清閒話鷲峯。夢隔秦淮波渺渺。魂
消鄣嶺翠重重。客中又作無期別。愁殺空門午
夜鐘。

二月十九日大士初度同張林宗王太古

郭聖僕葛震甫諸君聚寶菴放生

楊枝洒露普門青渺渺潮音若可聽大士化身
生淨土高僧開口念金經魚歸巨壑爭翻鬣鳥
入深山闔闔翕蠢動莫言無解脫有生元自有
含靈

遊靈谷寺

五里松陰覺路除野梅猶放塢中花神光寶塔
輝金界王氣鐘陵結彩霞甬蝕古碑消巖窟風

傳空樂響琵琶八功德水清堪飲聊滌塵心禮
法華

送陳幼謙之滇南

折得垂楊出大堤送君遙向夜郎西故園橋路
辭朱雀絕域山靈問碧雞月冷滇池秋水濶天
窮洱海暮雲低長遊萬里風烟隔笳陰中獨
馬嘶

賦得茅山壽國華王孫

三峯突兀紫霄邊云是華陽古洞天葛令移家

魯共隱茅君學道此昇仙雲從玉觀山腰起水
與金陵地肺連君有淮南鴻寶訣笑驅雞犬入
蒼烟

題鄭景時樹芸齋

康成結構讀書堂芸草新裁色自芳細雨階前
滋淺翠輕風窓外送殘香伴將青簡堆連屋護
得瑤函積滿牀見說神仙多秘字不教脉望食
雌黃

送雙林上人歸廬山

立禪三載悟真空不用蒲團覓坐功來卓鐘出
孤錫月去乘彭蠡一帆風柳邊故宅尋陶令石
上遺詩憶遠公認得舊房何處所佛燈寒影瀑
聲中

聚寶山謁方正學先生祠墓

靖難師興王氣崩忠臣遺事秘金縢封來馬鬣
一坏土賜出魚腸三尺米報國赤心昭伍員舍
冤碧血化萇弘雨花臺畔新祠立北面何慙見
孝陵

燕兵十萬渡秦淮忠魄臨刑聚寶街過客淒涼
揮冷淚門人零落拾殘骸百年公論清朝史千
古雄文遜志齋墓下白楊祠下草年年春雨綠
空階

送湯惟尹比部奉使歸蘄州

持刑秋署動清霜借得王程到故鄉使節暫辭
淮水去仙槎遙望楚天長樓頭夜月歌蕙竹橋
上春風醉綠楊計日專城驅五馬漢廷寧久滯
馮唐

後金陵懷古

鼎峙三分輦帝州波濤洶湧大江流用兵有計
惟公瑾生子無人比仲謀烽火臺空花自落太
初宮廢草先秋鳳凰不集黃龍死日暮啼烏滿
石頭

神州兵甲正紛紛鼎社南遷不可聞二帝蒙塵
歸黥虜諸臣戮力輔明君華夷疆域三山隔秦
晉風烟一水分千載忠貞留古墓至今人說十
將軍

登壇受禪起江東六十衰殘賣屨翁玉燭成灰
陰室閉凌歊無主故臺空龍行尚憶馳驅日虎
視虛傳揖遜風顏謝高才驚一代翩翩詞賦古
今雄

暮宋河山作帝居蕭公創業建元初商飈有恨
鳴空館落日無情照故墟寶卷芳年徒佚蕩玉
奴蓮步太輕徐至今獨有靈和柳張緒風流總
不如

帝子旣依作佛奴長齋日日禮浮圖堤空十里

雲連水城廢千年月在湖聖果證成倪座列神
僧啼出鳥巢孤王今得得梁皇懺莫道修行事
二仙無

後主風流樂事多宴遊寧顧舊山河新林夜燧
來兵革高閣春風罷綺羅無復當筵斟翠尊更
誰臨鏡畫月娥莫言玉樹能亡國又聽江南一
曲歌

黃侍中祠

廟食蹉跎二百春芳祠新奠暮河濱
門忠烈

廟王事五夜精靈哭戰塵寧惜鴟夷浮伍相不
辭魚腹壘纍臣侍中殘血誰收拾過客淒涼薦
藻蘋

樵夫祠

十萬王師盡倒戈秣陵非復漢山河一時總逐
新纓冕何處能容舊斧柯莫考姓名垂竹帛空
留靈爽在烟蘿荒祠近對秦淮水誰與招魂賦
九歌

同能始宿普德寺禪堂

避暑尋幽不覺深清涼偏選古禪林寺前寺後
松流翠山北山南竹覆陰殘日漸催群鳥下晚
風輕送一蟬吟隨緣借得雲房榻夜午同聞石
磬音

月夜坐燕子磯同喬卿心魯在杭共用潮
字

天塹波濤一望遙石磯涼露坐秋宵碧空聲起
風吹浪滄海如生月應潮古寺松杉鳴護護芳
洲蘆荻莽蕭蕭六朝王氣今俱盡惟有沱江鎖

未銷

楞伽山上方寺望太湖同方子公范東生
楞伽山色鬱蒼蒼遙逐鐘聲到上方孤塔標雲
金作界平湖涵月水爲鄉雲邊烟島分重疊天
際風帆入混茫手剔苔碑尋舊事古文零落不
成行

李歸安招遊峴山同謝在杭章元禮作

碧磴青林曲曲迷湖光遙接寺門西野僧願識
重遊客芳薜全封舊日題幾樹涼風彈自咽一

天殘照鳥爭啼石邊故有窪尊在劇飲何妨醉
似泥

歸雲菴孫太初故居

峰頂茅堂榜化城昔人曾此白雲耕松門尚對
寒山色竹徑空聞落葉聲高樾挂瓢風自響清
江失鶴月猶明吟魂醉魄今何處故宅還留庾
信名

寄遠

深閨容易度年華何事征夫不憶家千里綠烟

吳地草蒿山紅雨秣陵花香薰綺閣烟初歛月
照羅帷影易斜獨對鏡臺愁欲絕消魂長自憶
秦嘉

訪黃黃叔尊生館

閒閑長日懶逢迎芳草宿人客舊京四壁畫圖
高枕卧千秋鉛槧著書名幽懷江夏推黃憲多
病文園類馬卿姓字相聞逾十載莫言新訂雉
壇盟

送夏給事冊封琉球還朝

絕島曾乘買月槎歸帆咫尺到中華諫垣復命
方焚草王事如期正及瓜使節近沾天上露朝
衣新染海東霞萬方禹服咸修貢白雉爭飛入
漢家

送王行人冊封琉球還朝

使臣元不畏馳驅溟海風帆一片孤萬里雲山
窮地軸半空烟浪見天吳槎中帶得葡萄實橐
裏裝無意以珠帝問蠻荒風俗異歸來王會有
新圖

丙午除夕

堂上燈光吐九微。椒盤柏盞對慈闈。投書不遇
雄心在學劍。無成始願違。築地終期南郭隱。灌
園長息漢陰機。年華一去如流水。早已經營
歲衣。

丁未元旦

雪後梅花破玉顏。東風次第到柴關。蹉跎歲月
身空老。睥睨乾坤意自閒。往事悲歡隨逝水。生
涯寥落寄青山。由來筆硯緣難斷。漫製新詞付

小蠻

賦得靈光殿送顧長卿使京

漢家宮闕委荒原，秘殿巍然歎獨存。
冊壁尚留金粉色，玉窓長閉紫苔痕。
東連鳬繹山容麗，北控龜蒙岳勢尊。
不羨當年文考賦，抽毫重草幾千言。

送謝修之遊登州

雲海長遊一橐輕，蕭蕭頗聽馬蹄聲。
刻尋秦帝之罘石，路指萊君不夜城。
天際龍神來隱見，空

中蜃氣結分明謝公故有登山興垂老何嫌萬
里行

送康季鷹之秣陵兼寄諸舊遊

金陵京闕帝王州走馬憐君是勝遊花底簫聲
歌妓舫柳邊旗影酒家樓黃龍細辨前朝碣白
鷺遙尋隔水洲舊事關情渾似夢西風殘月石
城秋

之粵別謝在杭次韻

千里南遊忍別君臨岐離緒轉紛紛夢歸故國

玉山月身入遙天五嶺雲滿地黃茅不經雨後空
村紅葉落秋分蠻烟瘴雨孤眠客腸斷猿聲處
處聞

送鄭吉甫掌教德清

新領儒官乞俸錢橐中舊物有青氈片雲近映
橫經席半月遙臨洗硯泉閣上藜光吹夜火松
間茶鼎起秋烟離離書帶堦前草不愧當年老
鄭玄

洛陽橋

溫陵古路入秋雲千尺飛梁跨海濱水勢近從
沙際斷山形遙向渡頭分雨晴半掛孤虹影潮
落頻喧萬馬群五百年中來往客人人墮淚看
碑文

同黃季重馬季聲翁鼎卿集丁亨文吏部
寄閣

名園結構白雲間鎮日留賓不暫閒倚樹梢
梯宛轉橋橫河曲水潺湲匣懸劍氣龍魂動杵
響棋聲鶴夢還莫詫南窓堪寄傲謝公行且出

東山

將之粵東道經溫陵訪何穉孝儀部丙房
同莊伯暉黃季重馬季聲夜集賦別因
送季重還莆分得人字

嶺海樓樓獨問津爲尋蓮社駐征輪向平浪跡
寧辭遠何點高風不諱貧南粵雁鴻驚去客東
山猿鶴待歸人此行未作梅花夢先寄羅浮一
樹春

木棉菴

只因誤國瘴鄉來那得金雞詔赦回監押芳名
長不滅平章遺骨已成灰生前有客依秋壑死
後何人哭夜臺血污游魂歸未得木棉花落杜
鵲哀

宿臨漳驛舍與季聲夜坐同憶元龍惟和

次韻

頻年踪跡嘆飄蓬寄宿還投驛舍東蟋蟀入牀
吟落月猿狙懸樹嘯秋風修文天上人何在夢
草池申事已空坐對寒燈更漏盡征衫揮淚眼

朦朧

韓文公祠

半畝芳祠奠海濱
祠前香火鬱氤氲
一封佛骨批鱗疏
千古蠻方徒纒文
碑蘚綠生荒服
雨廟花紅染惡溪
雲不堪回首元
和事陵樹無枝野
鳥聞

宋陸丞相祠

中原擾擾起胡沙
丞相勤王扈宋家
兩浙有兵高立馬
六陵無主亂啼鴉
孤身誓死匡門路
靈

卷之六
隗長依漳海涯廟倚昌黎同饗祀春秋次第薦
蘋花

九日韓山登高同馬季聲

佳辰登陟破愁顏爲客能偷半日閒
百雉危城環粵海千重嘉木擁韓山
蕭騷短髮炎風外漂泊孤身瘴霧間
浪說憑高堪望遠不知何處是鄉關

宿韓江憶曹能始

漳江南望繫蘭橈却憶心知蜀道遙
青草啼螢

愁黯黯黃蘆歸雁夢蕭蕭空山月落催秋杳
海風生送夜潮獨客綿綿思遠道不堪漂泊旅
魂消

旅泊有懷

蓬窓涼露濕征衣楓葉蘆花亂釣磯腸斷嶺猿
雙淚落魂銷江雁幾行飛艱危道路愁難盡迢
遞家山夢屢歸遙想故園今夜月空流寒影照
羅幃

寄田參戎

重閫專征百粵城君王新賜紫貂輕風迴瘴海
樓船靜月滿崧臺組練明鈴閣吹笙朝草檄
門行酒夜談兵黃金已鑄征蠻印五嶺峯高待
勒名

秋閨夜次韻

寶鴨香銷翡翠樓蕭郎空賦少年遊風吹楊柳
千絲恨雨滴芭蕉萬點愁青女獨寒珠幌夜黃
姑遙望絳河秋庭前恐見雙螢度腸斷疎簾不

上鉤

蘆花

江畔洲前白渺茫
蕭蕭撼撼鬪秋光
輕風亂洒漫天雪
斜月微添隔岸霜
半夜層巒清遶影
數聲漁笛澹吹香
瓊枝玉樹分明見
愁絕懷人水一方

哭劉季德

欲賦招魂慰九泉
閩山粵水渺雲天
炙雞有愧三千里
下馬空盟二十年
筆塚荒蕪虛夜月
琴牀零落委秋烟
桃花開盡劉郎杳
春曉露風燈夢

悄然

白雁

恍似緱山着羽衣
霜翎翻落粉霏霏
秋鳴月色清音遠
夜泊蘆花片影微
玉塞沙明宜獨宿
銀河浪靜稱孤飛
滿身帶得天山雪
長伴蘇卿皓首歸

將軍石

巍然猛將立峯頭
閱遍興亡幾百秋
黃葉細裁金鎖甲
蒼藤長繫鐵兜鍪
林梢缺月新弓挂
天

未飛星激矢流一任番楊生左肘風霜歷盡不
封侯

訪陳道育明府兼慰其喪內

千里尋君遠寄蹤故人重客比臨邛琴牀月冷
絃初斷印匣雲深鎖未封官舍鳥啼蕉葉暗訟
庭吏散荔陰濃相逢不道寒暄事先問羅浮四
百峯

寄鄧道鳴總戎

開府瓊臺海色蒼輕裘談笑靖遐荒鯨鯢氛侵

消蠻壘翡翠明珠貢越裳營列刀光明細柳匣
開弓影掛扶桑閩西將種應無秦銅柱標名百
粵鄉

自義合驛抵河源舟中作

西風吹送片帆輕寥落人家住古城蠻嶺路從
珠浦出粵河源入實江清雲移苦竹蕭疎影露
響寒蕉慘淡聲吉了亂啼天欲暮客身漂泊尚
南征

蘇長公祠

學士遺居寄惠陽繞山雲樹鬱蒼蒼一身去國
投荒服數口移家老瘴鄉洗墨尚留池水黑焚
香時薦野蕉黃峯頭白鶴歸來晚彷彿精靈下
渺茫

東新橋

惠州之東兩溪合流紹聖間羅浮道士鄧守
安始作浮橋鐵鎖石可隨水漲落東坡解腰
間犀帶一圍助施爲詩以落之今浮橋仍其
舊制屢更修造

郡邑相望隔兩溪浮橋遙接路東西
蟬蜨鐵鎖蟠青蚓蠅螭朱航挂紫霓
河上已成填渡鵲腰間曾解辟寒犀
行人不憚寒裳苦來往看雲信杖藜

訪徐麗甫所居有贈

一室蕭然傍水東筆牀茶竈與詩筒
日長對奕松雲白夜靜燒丹藥火紅
帶索自成榮敗樂任春寧厭伯鸞窮
高蹤本是超塵外不忝吾家孺子風

朝雲墓

豐山埋玉幾何年零落三生斷後緣
草色晴晞荒隧露松陰深鎖曲林烟
主翁四句銘碑碣守冷千秋治墓磚
生習金經能誦偈死宜名剎傍樓禪

蘭麝凋殘蕙帳秋綺羅零落掩荒丘
湖光半照青銅影山色全凝翠黛愁
芳徑雨消金跳脫古墳泥化玉搔頭
埋香故與羅浮近常伴梅魂夜出游

徐瑒伯招遊惠州西湖得西字

十里湖山碧樹齊遙聞鐘磬出招提萬家暮靄
鵞城北一抹殘陽鷺嶺西菱葉颭風浮淺水蓼
花吹浪過長堤蘇公此地曾游咏自愧詩成不
敢題

王御史祠

靖難師來震鼓聲孤臣碎首哭金閨忠魂百粵
芳祠託遺事千秋汗簡題白鶴天寒松桂語花
驄月冷齒銜嘶可憐一片長弘血化作春風碧

草齋

登野吏亭

宋咸平初陳文惠公堯佐守惠建野吏亭于
北城曰爲五言詩題之今卽其亭塑公像而
祀焉歲久頽塌悽然傷之因作此詩以吊

城圍山色路千盤丞相祠堂俯碧瀾廢俎君蒿
香氣愴古牆荒鮮雨痕乾雲遮五嶺摩天秀月
湧雙溪入郡寒野吏風流猶在目幾人來挾斷
碑看

長至客惠陽旅舍懷李聲在端州

獨客漂蓬旅瘁鄉况逢岑寂度年光梅花噴雪
催殘臘敗管吹灰動一陽隔樹寒聲啼吉了蒲
山枯葉墜生杭柳憶君離緒紛紛如縷不但愁隨一
線長

送蘊上人刻檀香大士像迎歸金山

勸盡凡夫種善因功成長別粵江濱半枝蘆葦
行僧脚一片栴檀大士身法海慈雲晴有影普
門正露淨無塵應知五十二參後悟得西來意

自真

集玉蘭歌姬館送李肖凡歸羊城

不堪逆旅度年華
取醉青樓少婦家
竹葉蒲傾杯裏月
芙蓉濃照鏡中花
愁深風雪閩山路
魂斷烟波粵水涯
良會未淹離別早
共揮雙淚聽琵琶

羅浮山

路入朱明古洞天
奇峯四百斷還連
觀中白鶴盤金柱
巖下黃龍飲玉泉
瑤石高懸千嶂月
鐵

橋橫鎖南山烟勿忽看彩蝶踰躑過欲訪遺衣問
葛仙

絕頂飛雲翠萬重遠隨樵叟躡仙蹤燒丹竈冷
全封蘚禮壇空半偃松夜靜露寒瑤洞樂秋
深風響石樓鐘翠禽亂咽梅林月彷彿花神夢
裏逢

題羅浮道士所居

幽居棲息傍軒轅寶笈瑤函手自翻朱篆召神
圍樂鼎丹砂餵鶴守柴門閒尋芝草雲歸洞壑

卧梅花月滿村雙屐日行峯四百笑人頭白老
塵喧

出惠陽別曾惠宗葉世任二秀才

殘臘空林萬木凋朔風吹雨冷蕭蕭還鄉路指
關山近惜別人睽粵嶺遙南浦掛帆愁獨夜西
湖移艇憶良宵朱陵洞口梅花月夢裏尋君到
鐵橋

丁未除夕

是冬有妻喪

嶺表歸來歲盡時不成歡樂反成悲舞鸞鏡破

易學卷之十六
傷殘後黑別鶴聲殘泣斷絲酒淚罷開堂上酒
心先夢日中炊壁間遺桂香猶在愁絕安仁哭
婦詩